



SIPA nastavlja potragu za učesnicima u pljačkama banaka i preduzeća po Hercegovini

Na djelu: SIPA uhapsila pet osoba nakon što su opljačkali skladište, odakle su ukrali pun kamion cigareta

Danica POPOVIĆ

MOSTAR - Pripadnici Državne agencije za istrage i zaštitu BiH (SIPA) tragaju za još petoricom bandita koji su zajedno s uhapšenima u akciji "Sunce" učestvovali u pljačkama banaka i preduzeća po Hercegovini.

U akciji "Sunce" u ponedjeljak su uhapšeni Anes Kurbegović, Šeherezada Porić, Darko i Vjekoslav Sliško, te Samir Serdarević.

Kako nezvanično saznajemo, još pet osoba je u bjekstvu i za njima će najvjerojatnije biti raspisana potjernica.

Iz SIPA su, navodeći inicijale, kazali da su uhapšeni nakon kriminalističke obrade predati nadležnom tužilaštvu na dalje postupanje. Neke od uhapšenih osoba u ovoj akciji tretirane su u okviru predmeta kodnog naziva "Lutka". Naime, istražiocima SIPA su mjesecima pokušavali stati na kraj ovim pljačkašima.

U ponedjeljak su ih konačno uhvatili na djelu kada su oni oro-

U bjekstvu još petorica bandita

UČESTVOVALI U MILIONSKIM KRAĐAMA



Policija ih presrela kod južnog ulaza u kompaniju "Sokol"
FOTO NN

bili jedno skladište, odakle su ukrali kamion pun cigareta. Uhapšena petorka je opljačkala skladište koje se nalazi uz magistralnu cestu M-17 kod Mostara, a policajci su ih zaustavili kod južnog ulaza u kompaniju "Sokol".

"Svih petoro osumnjičenih odvedeno je na saslušanje, a istražiocima sumnjaju da ova grupa stoji iza niza dosad neriješenih velikih pljački po Hercegovini", ranije su saopćili iz SIPA.



TUŽILAŠTVO

Uhapšena petorka predata nadležnom tužilaštvu na dalje postupanje

Iz SIPA su rekli da se sumnja kako je ova grupa izvela i nedavnu pljačku Sparkasse banke u Mostaru, te da ih povezuju i s provalom u skladište preduzeća "Vision" u Tomislavgradu, odakle su u julu bile ukradene naočare vrijedne 1,5 miliona maraka.

Izvor iz SIPA je rekao kako uhapšenog Kurbegovića i njegovu grupu povezuju i sa jednom pljačkom banke na području Livna.

On je ranije povezivan i s grupom Darka Eleza, koja je optužena da je ubijala ljude i vršila razne pljačke širom BiH.